

Riwayat Hidup Ulama Islam yang Kebilangan

Al-Imam al-Bukhari

Ahli Hadis yang menjadi kemegahan umat Islam

[Dalam bahagian penutup ini, kita sajikan sedikit tentang kitab hadis yang masyhur: “Al-Jāma‘ al-ṣahīḥ” yang sangat-sangat dihormati oleh umat Islam sesudah kitab suci al-Quran- Pengarang Qalam]

Di dalam kitabnya ini, al-Bukhari telah berpada dengan mengumpulkan hadis-hadis yang sahih sahaja. Hadis yang sahih menurut istilah ahli-ahli hadis ialah: hadis yang bersanad (bersandaran) yang berhubung sanadnya- daripada orang yang meriwayatkan hingga kepada Rasul Allah ﷺ. Al-Bukhari telah mengumpulkan di dalam kitabnya itu, menurut yang diterangkan oleh Ibnu Hajar, sebanyak 7,397 hadis. Jumlah ini termasuk di dalamnya hadis-hadis yang berulang-ulang riwayatnya (al-mukarrat), tetapi tidak termasuk di dalamnya hadis-hadis yang terkenal menurut istilah ahli-ahli hadis: al-Mu‘aliqāt, al-Mutābi‘āt, al-Mūqūfāt dan al-Māqṭū‘āt. Apabila hadis-hadis yang berulang-ulang itu dicabut dan berpada dengan hadis-hadis yang berhubung sanadnya yang tidak berulang-ulang, maka jumlahnya (kandungan kitab Sahih al-Bukhari itu) 2,762 hadis.

Di dalam juzuk yang pertama, dalam muqadimah kitab “Fatih al-Bārī” ada disebutkan bahawa al-Bukhari telah meletakkan syarat-syarat dalam mengumpulkan hadis yang dipandang sahih. Syarat-syarat itu dinamakan: “Syarat al-Bukhari”. Sebagaimana juga Imam Muslim telah meletakkan syarat-syarat yang berlainan dengan syarat-syarat al-Bukhari dan syarat-syarat ini dinamakan oleh ahli-ahli hadis: “Syarat-syarat Muslim”. Kedua-duanya telah mensyaratkan hendaklah sanad hadis itu berhubung terus

menerus, dan hendaklah tiap-tiap rawi itu seorang Islam, yang benar tutur katanya, bukan penipu dan bukan pula orang yang mencampur adukkan. Hendaklah ia bersifat adil, hafiz, sejahtera akalnya dan betul iktikadnya. Al-Bukhari memandang bahawa seorang rawi hadis apabila ia menjadi daripada ahli-ahli hadis yang handal, iaitulah mereka yang banyak mengumpulkan hadis dan meriwayatkannya seperti al-Zahri dan nafi‘, maka sahabat-sahabatnya yang meriwayatkan hadis daripadanya adalah mempunyai beberapa tingkat yang berlain-lainan menurut kadar perhubungan mereka dengan dia, dan kadar hafaz dan kebolehan memahamkannya dengan rapi. Tingkat yang pertama ialah orang-orang yang menjadi rakannya dalam pelayaran dan tidak renggang daripadanya pada masa ia tidak keluar belseyair. Tingkat yang kedua pula ialah orang-orang yang pernah menjadi rakan-rakannya dalam masa yang pendek. Kedua-dua jenis itu adalah terkenal dengan tetap dan betul riwayatnya. Mengiring itu pula beberapa tingkatan: al-Bukhari meletakkan syarat bagi rawi(rawi) itu hendaklah mereka daripada tingkat yang pertama pada amnya, pernah juga al-Bukhari meriwayatkan daripada orang-orang tingkat yang kedua, tetapi pada amnya ia meriwayatkannya ketika mengulas sesuatu hadis. Sikap yang demikian dinamakan suatu syarat daripada syarat-syarat al-Bukhari. Imam Muslim pula menerima rawi tingkat yang kedua seperti dia menerima tingkat



Lagi sebuah masjid telah siap didirikan baharu-baharu ini di Amerika dengan usaha pencinta-pencinta Islam di benua itu.

yang pertama, dan tidak hanya menggunakan riwayat tingkat yang kedua dalam mengulas sesuatu hadis. Adapun rawi-rawi yang tidak banyak riwayatnya maka al-Bukhari dan Muslim telah berpada dengan syarat hendaklah orang-orang itu dipercayai, adil dan kurang membuat salah.

Adapun sebab yang utama yang menjadikan Imam Bukhari mengikut syarat-syarat yang mengikat hadis-hadis yang telah dikumpulkannya daripada Rasulullah ﷺ alaihi wasalam itu, adalah disebabkan hadis-hadis pada zaman Bani Amih lebih banyak daripada hadis-hadis pada zaman khalifah-khalifah yang berempat dahulu, manakala hadis-hadis yang terkumpul pada zaman Bani Abbas lebih banyak daripada hadis-hadis zaman Bani Amih. Ini dari satu segi, dan dari segi yang lain pula ialah bahawa orang-orang Yahudi,

Nasrani, Majusi dan lain-lainnya telah memasukkan di dalam hadis-hadis, banyak perkara dari ajaran dan cerita agama mereka. Dengan jalan itu banyaklah hadis-hadis yang mengandungi cerita-cerita dari kitab Taurat dan Injil serta ajaran kebangsaan yang sempit, seperti hadis yang memperikan kelebihan orang-orang Parsi dan Rom (Lihat: Goldziher dan ensiklopedia Islam dalam bab “Hadis”). Perkara-perkara asing yang telah menyelit di dalam hadis-hadis inilah yang menyebabkan Imam Bukhari mengembara merata-rata wilayah Islam dengan tujuan hendak memilih dan menapis hadis-hadis itu serta membezakan yang sahih daripada yang palsu.

Sebenarnya, ahli-ahli hadis yang dipercayai benar dan mahirnya telah bersungguh-sungguh berusaha menapis hadis-hadis tersebut dan

telah meletakkan rawi-rawi hadis daripada orang-orang tabiin dan tingkatan yang kemudian daripada tabiin di dalam neraca yang cukup halus timbangannya, beserta dengan perihal sejarah hidup mereka. Selain daripada itu telah meletakkan kaedah bagi mencacat dan membenarkan seseorang rawi hadis itu.

Kaedah-kaedah itu terbahagi dua: Jenia yang pertama bertumpu kepada riwayat hadis dan sah tidaknya, dan bertumpu juga kepada menimbangkan rawi-rawi hadis dan sekadar mana kepercayaan terhadap mereka. Kaedah ini dinamakan: pengupasan luar. Manakala kaedah jenis yang kedua pula ialah bertumpu kepada hadis semata-mata. Adakah ia sah maknanya atau tidak? Dan apa alasan-alasan sahnya dan tidak sahnya? Dan lain-lain sebab lagi yang berupa membela dan menuduh kaedah ini dinamakan: pengupasan dala (al-naqd al-dākhali).

Kaedah-kaedah ini telah membawa ahli-ahli hadis membahagikan hadis itu kepada beberapa bahagian seperti hadis-hadis: Sahih (sah dan betul), hasan (baik), daif (lemah), marsal (lepas), manqāṭa^c (terputus) shaz (ganjil- menyalahi hadis-hadis yang betul), gharib (dagang) dan lain-lain lagi.

Orang yang masyhur dalam medan ini ialah Yahya bin Sa‘id al-Qaṭān (wafat 189 H), dan ‘Abd al-Rahman ibn Mahādī (wafat 198 H.), kemudian Yahya bin Main (wafat 233 H), Ahmad Ḥanbal (wafat 241 H), dan Muḥammad Sa‘ad di dalam kitab “*Tabaqāt*”nya (wafat 230H.).

Apabila diselidiki kitab “Al-Jāma^c al-ṣahīḥ” kita akan dapati al-Bukhari selain daripada seorang ahli hadith yang sangat mahir adalah ia seorang ahli fiqh. Al-sebagai di dalam kitabnya “*Tabaqāt al-Shaftiyyah*” menghitung Imam Bukhari bermazhab Shafi‘ī, pada hal yang sebenarnya – menurut yang jelas kelihatan – Imam Bukhari itu seorang mujtahid dan mempunyai istibad-istibad yang khas baginya. Fahamnya kadang-kadang sesuai dengan Abū Ḥanīfah, dan kadang-kadang sesuai dengan Imam Shafi‘ī, dan kadang-kadang berselisih dengan keduanya;

kadang-kadang pula memilih mazhab Ibn ‘Abbas, dan kadang-kadang memilih mazhab Mujahid dan ‘Aṭā’.

Kemahirannya dalam ilmu fiqh sangat besar kesannya di dalam kitab hadisnya “*Al-Jāma^c al-ṣahīḥ*” itu. Ia telah menyusunnya menurut tertib ilmu fiqh seperti yang dibuat oleh Imam Mālik di dalam kitab *al-Muwatṭa'*. Setelah dimulakannya dengan riwayat turunnya wahyu, lalu ditundanya dengan bab iman dan ilmu, kemudian bab bersuci, bab sembahyang, bab zakat, bab puasa, bab haji, bab jual beli. Setelah selesai daripada menyebutkan bab-bab dalam muamalat lalu disebutnya bab-bab meran̄āt (perbicaraan dalam mahkamah) seperti bab saksi dan bab perdamaian. Setelah itu bab wasiat dan wakaf, kemudian ditundanya dengan bab al-Jihad. Selain daripada itu disajikan pula bab-bab yang tidak berdasar ilmu Fiqh. Lalu disebutkan berkenaan permulaan kejadian alam, syurga, neraka, dan riwayat hidup Nabi-nabi. Selepas itu sifat-sifat kelebihan kaum Quraisy, sifat-sifat kelebihan sahabat-sahabat, orang-orang Muhaṣirin dan orang-orang Ansar. Kemudian daripada itu disebutkan sejarah Nabi, riwayat peperangan Nabi dan sahabat yang bersangkut paut dengannya. Setelah itu lalu disebutkan bab tafsir Quran, dan kemudiannya berbalik pula kepada fiqh iaitu soal nikah cerai. Kemudiannya bab makanan dan minuman selepas itu beralih pula kepada bab perubatan, bab adab atau sopan santun, bab berbuat kebajikan, bab perhubungan dan bab meminta izin, kemudiannya bab nazar dan bab kifarat. Bab hukuman-hukuman atas kesalahan dan bab paksaan. Setelah itu disebutkan bab takbir mimpi, bab kebangkitan-kebangkitan menderhaka, dan bab hukum-hukum. Disebutkan juga di dalamnya perihal amir-amir (ketua pemerintahan) dan kadi-kadi (hakim-hakim). Akhirnya semuanya itu disudahi dengan bab al-Tauhīd.

Al-Bukhari telah membahagikan bab-bab yang tersebut kepada sambungannya pada muka 27

sambungan dari muka 22

beberapa bab kecil. Bab-bab besar itu berjumlah 97 mengandungi 3450 bab kecil. Al-Bukhārī sendiri tidak sempat menyusun kitabnya itu dengan lengkap sempurna sehingga setengah penyalin (yang menyalinkan kitab itu dari sebuah naskhah kepada naskhah yang lain) kedapatan menyatakan sesuatu bab yang tidak tersebut di dalamnya suatu hadis kepada hadis yang lain yang tidak disebutkan bab baginya.

Al-Hafiz Abū Ishaq Ibrahim ibn Ahmad al-Mustamī berkata: “Saya telah menyalin akan kitab al-Bukhārī daripada asalnya yang ada dalam simpanan Muhammad bin Yusuf al-Farberi (sahabat kepada al-Bukhārī). Lalu saya lihat padanya beberapa perkara yang belum sempurna, dan beberapa perkara lagi masih dikosongkan helai-helai surat kerananya, setengah daripadanya ialah riwayat-riwayat hidup yang belum pun dituliskan, dan setengah-setengah yang lainnya ialah hadis yang tidak dituliskan riwayat hidup rawi-rawinya, maka kami pun menyatakan setengahnya kepada setengahnya yang lain.” (Lihat kitab “*Huda al-Sari*” karangan Ibnu Ḥajar, juzuk yang pertama, muka 5).

Walau bagaimanapun maka kitab hadis al-Bukhārī (*al-Jāma'* *al-Ṣahīḥ*) ialah sesaih-saih kitab hadis, dengan tidak ada siapa yang menafikannya.

Selain daripada itu, Imam Bukhārī ada beberapa buah karangannya lagi, seperti *al-Tarikh al-Kabir*, *al-Tarikh al-Wasiṭ* dan *al-Tarikh al-Ṣaghīr*. *Al-Dhu'afā'* *al-Jāmi'* *al-Kabir* dan *Al-Musnad Al-Kabir*. *Asmā' al-Ṣahabat*, *al-Wijdan* dan *al-Mabsūt*. *Adab al-Mufrad*, *Raftu al-Yadīn fī al-Ṣalāti* dan *al-Qira'ati khalfun al-Imām*, dan lain-lainnya lagi.

Sebagaimana yang diketahui, zaman kerajaan Abbasiyyah yang pertama ialah zaman yang sangat tinggi kemajuannya dalam lapangan mengaturkan hukum-hukum agama dan yang banyak sekali timbul di dalamnya alim ulama ahli fiqh dan mujtahid-mujtahid. Pada zaman itu seseorang yang bermartabat mujtahid adalah bebas

mengeluarkan hukum-hukum daripada Quran dan hadis, dan sebagaimana pada zaman itu telah banyak timbul alim ulama ahli-ahli fiqh dan undang-undang Islam. Maka banyaklah pula masalah-masalah yang berdasarkan undang-undang dan hukum-hukum masalah kecil yang banyak pecahannya dengan yang demikian banyaklah cabang-cabang masalah dan masalah-masalah yang belum terjadi pun diwujudkan pula (seperti dikata: Kalau terjadi begini apa hukumnya?). Semuanya itu telah diatur hukum-hukum baginya. Natijahnya terkumpullah hadis-hadis saih yang telah menjadi asas dan daripadanya bercabanglah ilmu-ilmu tafsir, fiqh, sejarah hidup Nabi, sejarah pembukaan negeri-negeri Islam. Riwayat hidup orang-orang yang masyhur dalam ilmu dan medannya masing-masing. Apabila datang al-Bukhārī lalu turun ke medan hidup ilmu fiqh dan perundangan Islam pada zaman yang keemasan itu, maka kedapatan al-Bukhārī membawa suluh yang terang benderang cahayanya, menggerakkan diri dan menghidupkan roh, manakala tuan mentelaah kitab hadisnya “*al-Jāma'* *al-Ṣahīḥ*” itu, dengan serta-merta akan terang benderang hati tuan dan akan dapat melihat segala apa yang berada di sekeliling tuan itu persis dan jelas nyata.

Imam al-Bukhārī ialah dari orang yang mempunyai jiwa dan akal yang sanggup menembus di sebalik tirai, dan mengambil daripadanya perkara yang menakjubkan. Perasaan kasih dan hormatnya akan Rasulullah (SAW) telah menyerap lantas di dalam urat sarafnya, dan mengalir di dalam darahnya. Perasaan itu adalah menjadi emas yang tersimpan di dalam perbendaharaan hatinya.

Al-Bukhārī Radhiyallahu ‘anhu telah dikurniakan oleh Tuhan ‘azza wa jalla dua kelebihan:

Yang pertama- sifat kuat hafaz, terutama yang berhubung dengan hadis. Tentang ini telah diriwayatkan orang dengan agak berlebihan akan jumlah hadis-hadis yang bersanad yang ia hafaz di dalam hatinya. Pernah ia membantu dirinya dalam masa menghafaz itu dengan catitan dan banyak berfikir. Banyak orang telah

meriwayatkan bahawa pada satu masa ia telah tiba di Baghdad lalu didatangi oleh ahli-ahli hadis hendak menduga pengetahuannya. Mereka pun membentangkan kepadanya seratus buah hadis yang telah dipalingkan matannya dan sanadnya lalu mereka membacakannya satu persatu. Imam Bukhārī kedengaran berkata apabila selesai dibacakan tiap-tiap hadis: “Hadis ini saya tidak tahu” dan setelah hadis-hadis itu tamat dibacakan baharulah Imam Bukhārī membetulkan dia dengan berkata: “Hadis yang pertama begini,” lalu dibetulkan menurut matan dan sanad yang sebenar, dan “hadis yang kedua pula begini” lalu disebutnya hadis-hadis itu satu persatu dan diperbetulkan semuanya. Kebolehannya yang luar biasa ini telah diakui oleh alim ulama yang kabilangan pada hari itu.

Yang kedua – ia sangat mahir tentang mengenal rawi hadis dan menilai kedudukan mereka satu persatu. Dalam bab ini ia telah menyusun kitab “*al-Tarikh*” bagi mengenali orang-orang yang meriwayatkan hadis. Tentang ini pernah diriwayatkan orang bahawa Imam Bukhārī berkata: “Sebutlah nama sahaja yang biasa tersurat di dalam sejarah melainkan ada kepada aku ceritanya.” (Lihat kitab *al-Khatib al-Baghdadi*).

Di hadapan buah fikiran yang tidak bertolok banding ini dan di hadapan sahsiah yang terdiri dengan sendirinya, kita mendapati diri kita berhadapan dengan seorang ahli hikmah dan penggambar bagi tabiat diri manusia. Kita akan dapati diri kita berhadapan dengan seorang yang luas ilmunya tentang ilmu tanaman-tanaman, ilmu kejadian dan ilmu belah membelah dan luas ilmunya tentang tabiat makhluk-makhluk yang hidup, dan falsafah segala agama. Dalam tiap-tiap jenis ilmu pengetahuan, yang tersebut kedapatan kesan yang berharga dari hasil penyelidikannya dan buah fikirannya. Di dalam usaha mengumpulkan hadis-hadis, Imam Bukhārī mempunyai martabat dan kedudukan yang jarang sekali dapat dicapai orang. Tidak sesuatu lintasan fikiran

yang pernah berlegar di dalam kepala seorang ahli hadis yang terdahulu daripadanya melainkan mendapat tempat yang luas di kepala al-Bukhārī, sedang al-Bukhārī sendiri- di dalam perkara yang tersebut - ada pula buah fikirannya iaitu buah fikiran seorang yang arif dan berpengalaman.

Al-Bukhārī mempunyai pandangan yang tepat tentang akhlak dan iktikad yang sedang merebak pada zaman kebesaran kerajaan Abbasiyyah. Begitu pula tentang soal-soal masyarakat dan rahsia-rahsia diri manusia. Ia faham dengan masaknya segala apa yang berlaku di sekelilingnya dalam masa ia mengembara dari sebuah ke sebuah negeri, ia sedar akan segala yang bertemu dengannya baik orang-orang atau harta benda atau pun mendengar kisah-kisah di sekeliling orang-orang yang meriwayatkan hadis. Semua itu difaham dan disedari dengan sedalam-dalamnya. Ia kedapatan bekerja dengan cergas mengumpulkan hadis-hadis menurut masa yang tertentu seperti ahli falsafah yang bijaksana. Hadis-hadis itu pula dijaga sanad-sanadnya dan pertalian riwayatnya dari seorang ke seorang hingga tiba kepada Rasulullah (SAW) dengan menempuh berbagai-bagai kesukaran tetapi ia tidak mengelak daripada menunaikannya dengan hati riang dan suka.

Daripada apa yang tersebut dapatlah diketahui bahawa tabiat al-Bukhārī dalam berfikir yang dengannya telah menghadapi segala jenis ilmu pengetahuan yang telah diriwayatkannya daripada *Khatim al-Mursalīn wa Imām al-Muttaqīn*, junjungan kita Nabi Muhammad ﷺ wasalam, iaitu tabiatnya itu tidak lain hanya satu jua sekalipun mawadhu^c-mawadhu^c yang telah diharunginya itu berbilang-bilang dan telah mengambil masa selama enam belas tahun. Walaupun dengan badannya yang kurus dan bentuk sederhana tingginya, dan walaupun ia hidup secara zuhud dan kurang makan, hanya sekadar mengalas perut, tabiatnya itu ialah tabiat orang yang merasa akan usaha bersungguh-sungguh yang tidak putus-putus, tabiat orang yang sabar menahan perasaan dan daripadanya ia merasa senang dan suka dengan pembentukan iktikad, agama, perasaan

dan pengetahuannya.

Ia adalah seorang yang handal dan bernas buah fikirannya dalam erti kata yang sepenuhnya, ia seorang yang telah menyelidik dan mempelajari perihal benda-benda yang hidup, dan perkara yang zahir bagi kejadian tabii pada segala benda; kuat peringatannya, mempunyai firasat yang semula jadi bagi menghukumkan sah, dan tidaknya ketika membezakan hadis-hadis.

Oleh kerana fikiran al-Bukhārī terbahagi di antara usahanya mengumpulkan hadis-hadis dengan mengumpulkan hakikat-hakikat hadis sahih, maka kedudukannya yang demikian telah menolaknya kepada mencari penjelasan dengan cermat dan berjaga-jaga dalam masa mempelajari ilmu-ilmu yang dituntutnya dengan tekun dan perasaan gemar serta yakin, iaitu keadaannya samalah seperti

seorang penyelidik yang sangat-sangat halus dan rapi penyelidikannya, iaitu dipelajari ilmu itu kerana hendak mendalamkan pengetahuannya bagaimana tabiat-tabiat itu hidup kepada makhluk yang mengandungnya.

Maka dengan ini nyatahalah al-Bukhārī dalam usahanya mengumpulkan hadis Rasulullah ﷺ alaihi wasalam, iaitu tujuannya dalam usahanya itu bukan semata-mata kerana merasa lazatnya tetapi kerana merasa bahawa segala usahanya dalam alam al-wujud ini ialah kerana menunaikan kewajipan yang telah diberati dia mengerjakannya atau pun ia mati sebelum tercapai tujuannya. Hidup yang sebenar-benarnya menurut tafsir dan faham al-Bukhārī ialah berfikir yang ditunda oleh amal perbuatan, dan amal perbuatan yang ditunda oleh buah fikiran.

Sesungguhnya orang yang menjadi ahli tasawuf dan orang yang berfaham kiri, pencinta perkara yang menjadi contoh utama, pencari kenyataan yang dekat, ahli hadis yang menjadi ahli falsafah, ahli seni dan ahli hikmah, semuanya akan mendapat nikmat kebahagiaan di dalam kitab “sahih al-Bukhārī” itu dan akan mengambil daripadanya seberapa yang dikehendakinya.

Inilah kelebihan Imam al-Bukhārī Radhiyallahu ‘anhу, yang telah menjadikan dia sebutan di sepanjang masa dan akan berkekalan zaman berzaman!

SURAT AKUAN

Saya H.M.D. Al-Hamdi,
146 Pasir Emas, Kelantan mengucapkan
syukur ke hadrat Ilahi dan berbanyak-banyak
terima kasih kepada tuan tabib yang
tersebut di bawah ini kerana menyembuhkan
penyakit buasir yang saya telah hidapi selama lebih kurang 25
tahun buasir saya telah digugurkan dengan tak payah dipotong
dan tidak berasa sakit dalam tempoh 12 hari sahaja.



Yang demikian saya syorkan kepada saudara-saudara sekalian yang ada
mengidap penyakit ini, silalah datang berjumpa dengan segera
kepada tabib tersebut, Insha-Allah akan memuaskan. Yang benar

H.M.D. Al-Hamdi.

30.11.54

Tabib H.G. Mustaffa,
Punjab Medical Hall,
280, Victoria Street, SINGAPORE 7. Tel. 80444

Panduan

Bahwasanya amal yang sangat-sangat digemari
oleh Allah Ta‘āla sesudah perkara-perkara
yang telah difardhukan ialah memasukkan
rasa kesukaan ke hati orang Islam.

(maksud H.R. Tabarānī)